

**JU NARODNO POZORIŠTE
SARAJEVO**

UPRAVNI ODBOR

Broj:05-2082/26

Sarajevo,30.03.2026. godine.

U skladu sa članom 27. stav 1. alineja 2. i člana 29. Zakona o ustanovama („Sužbeni list RBiH“, broj:6/92, 8/93 i 13/94), članom 23. stav (1) i (5) Zakona o pozorišnoj djelatnosti („Službene novine Kantona Sarajevo“, broj: 42/13 - Prečišćeni tekst i 6/16), članom 7. stav (1) i članom 8. stav (1) i (2) Zakona o ministarstvima, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine, broj 12/3, 34/3 i 65/13) i člana 40., 41.,44. i 45. Pravila Javne ustanove Narodno pozorište Sarajevo, broj: 05-1672/23 od 14.03.2023. godine, Upravni odbor Javne ustanove Narodno pozorište Sarajevo na sjednici održanoj 30.03. 2026. godine, donio je:

O D L U K U

**o raspisivanju Javnog konkursa za imenovanje direktora
Javne ustanove Narodno pozorište Sarajevo**

Član 1.

- (1) Raspisuje se javni konkurs za imenovanje direktora Javne ustanove Narodno pozorište Sarajevo, na mandatni period od četiri godine.
- (2) Imenovanje direktora izvršit će se nakon pribavljanja saglasnosti osnivača –Vlada Kantona Sarajevo.

Član 2.

- (1) Tekst javnog konkursa objavit će se u „Službenim novinama Federacije Bosne i Hercegovine“, dnevnim novinama Oslobođenje, na internet stranici Javne ustanove Narodno pozorište Sarajevo (www.nps.ba) i na internet stranici Ministarstva kulture i sporta Kantona Sarajevo.
- (2) Na internet stranicama, dnevnim novinama i u „Službenim novinama Federacije Bosne i Hercegovine“, objavit će se puni tekst javnog konkursa.
- (3) Javni konkurs će biti objavljen na internet stranicama u čitavom periodu roka prijave.

Član 3.

- (1) Pored općih uslova predviđenih zakonom, kandidati treba da ispunjavaju i posebne uslove predviđene Pravilima Javne ustanove Narodno pozorište Sarajevo, broj: 05-1672/23 od 14.03.2023. godine, i to:
 - a) visoka stručna sprema VII stepena, odnosno visoko obrazovanje drugog ili trećeg ciklusa Bolonjskog sistema studiranja, jedna od umjetničkih akademija ili filozofski fakultet,
 - b) najmanje sedam godina radnog staža nakon sticanja fakultetske diplome,
 - c) najmanje četiri godine radnog iskustva na rukovodnim poslovima iz oblasti kulture,
 - d) društveno verificirana priznanja za rezultate postignute u oblasti kulture i umjetnosti,
 - e) da se ističe organizacionim sposobnostima i društvenim radom,
 - f) predložen Program rada za mandatni period.

(2) Kandidati su dužni, uz prijavu na konkurs, dostaviti dokaz o ispunjavanju općih i posebnih uslova, kao i program rada za mandatni period.

Član 4.

Za potrebe provedbe procedure izbora i transparentnog djelovanja, Upravni odbor će posebnom odlukom imenovati Komisiju za razmatranje prijave na javni konkurs za izbor i imenovanje direktora.

O b r a z l o ž e n j e

PRAVNI OSNOV

Pravni osnov za donošenje ove Odluke sadržan je u odredbama sljedećih pravnih propisa:

I. - Član 27. stav (1) alineja 2. i član 29. Zakona o ustanovama („Službeni glasnik Bosne i Hercegovine“, broj 6/92, 8/93 i 13/94), a kojim je utvrđeno da direktora ustanove imenuje Upravni odbor na osnovu konkursa koji se objavljuje u javnim glasilima, uz saglasnost osnivača.

II. - Član 7. stav (1) i član 8. stav (1) i (2) Zakona o ministarstvima, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj 12/3, 34/3 i 65/13), a kojim su propisani opći kriteriji za imenovanje.

III. - Član 23. stav (1) i stav (5) Zakona o pozorišnoj djelatnosti („Službene novine Kantona Sarajevo“, broj:42/13 i 6/16), a kojim je propisano da direktora imenuje Upravni odbor uz prethodnu saglasnost Vlade Kantona Sarajevo.

IV. - Član 40. stav (1) tačka (c), član 44. i član 49. Pravila Javne ustanove Narodno pozorište Sarajevo, broj: 05-1672/23 od 14.03.2023. godine, a kojim je propisano da direktora imenuje i razrješava Upravni odbor Pozorišta, a uz prethodnu saglasnost Vlade Kantona Sarajevo, te su propisani opšti i posebni uslovi za imenovanje direktora, kao i opis poslova i radnih zadataka.

V. - Član 38. Pravilnika o unutrašnjoj organizaciji i sistematizaciji radnih mjesta JU Narodno pozorište Sarajevo, broj: 05-2049/22 od 15.03.2022. godine, a kojim su definisani uslovi za imenovanje direktora i opis poslova i radnih zadataka.

RAZLOZI ZA DONOŠENJE:

Razlozi donošenja Odluke raspisivanju Javnog konkursa za imenovanje direktora Javne ustanove Narodno pozorište Sarajevo je provedba konkursne procedure i obezbjeđenje nesmetanog nastavka rukovođenja ustanovom po isteku imenovanja vršiocu dužnosti direktora koje traje do 06.05.2026. godine.

Odredbom člana 40. stav (1) tačka c) Pravila Javne ustanove „Narodno pozorište“ Sarajevo broj: 05-1672/23 od 14.03.2023. godine, propisano je da Upravni odbor ustanove imenuje i razrješava direktora ustanove na osnovu javnog konkursa uz saglasnost Vlade Kantona Sarajevo.

Shodno gore navedenom Upravnom odboru na sjednici održanoj dana ~~30.03.2026.~~ godine, razmatrao je i usvojio Odluku kao u dispozitivu.

Dostavljeno:

- Ministarstvo kulture i sporta Kantona Sarajevo,
- Web stranica,
- Prilog tekstu javnog konkursa,
- a/a